

« 21 » օգոստոս 2018 թ No 2149 - Ա

ՄԱՅՐԱԿԱՆ ԵՎ ՄԱՆԿԱԿԱՆ ՄԱՀՎԱՆ, ՄԱՆԿԱԲԱՐՁԱԿԱՆ ԾԱՆՐ ԴԵՊՔԵՐԻ  
ՎԵՐԱԲԵՐՅԱԼ ՇՏԱՊ ՏԵՂԵԿԱՏՎՈՒԹՅՈՒՆ ՀԱՂՈՐԴԵԼՈՒ ՄԱՍԻՆ

Հիմք ընդունելով վարչապետի 2018 թվականի հունիսի 11-ի N 728-Լ որոշմամբ հաստատված առողջապահության նախարարության կանոնադրության 18-րդ կետի 20-րդ ենթակետը, մայրական և մանկական հիվանդացության և մահացության դեպքերի նվազեցման, մանկաբարձական կրիտիկական իրավիճակների և մահվան դեպքերի վարման գործընթացի գնահատման, պատճառների վերհանման և հետագա կանխարգելման միջոցառումների իրականացման նպատակով,

Հ Ր Ա Մ Ա Յ ՈՒ Մ Ե Մ

1. Հաստատել.

1) մայրական և մինչև 5 տարեկան երեխաների մահվան, մանկաբարձական ծանր («կրիտիկական») դեպքերի վերաբերյալ տեղեկատվության հաղորդման կարգը, համաձայն հավելված 1-ի,

2) մայրական և մինչև 5 տարեկան երեխաների մահվան, մանկաբարձական ծանր («կրիտիկական») դեպքերի վերաբերյալ տեղեկատվության հաղորդման ձևանմուշները, համաձայն հավելված 2, 3 և 4-ի:

2. Ծննդօգնության ծառայություններ և երեխաների բժշկական օգնություն և սպասարկում իրականացնող բժշկական կազմակերպությունների ղեկավարներին առաջարկել.

1) մայրական և մինչև 5 տարեկան երեխաների մահվան, ինչպես նաև մանկաբարձական ծանր («կրիտիկական») դեպքերի մասին էլեկտրոնային փոստով շտապ տեղեկատվության հաղորդել առողջապահության նախարարության մոր և մանկան առողջության պահպանման վարչություն՝ [mch@moh.am](mailto:mch@moh.am) հասցեով:

2) տեղեկատվության հաղորդումը իրականացնել սույն հրամանի հավելված 1-ով սահմանված ընթացակարգով՝ 2-4 հավելվածներով հաստատված ձևաթղթերին համապատասխան:

3) Տեղեկատվության հաղորդման գործընթացի պատշաճ կազմակերպման նպատակով բուժհաստատությունում նշանակել պատասխանատու անձ, որի անհատական տվյալները (ԱԱՀ, պաշտոն, հեռախոսի համար, էլ. հասցե) նախարարություն ուղարկել մեկ շաբաթյա ժամկետում:

3. Առողջապահության նախարարության աշխատակազմի մոր և մանկան առողջության պահպանման վարչության պետ Կարինե Սարիբեկյանին.

մայրական և մինչև 5 տարեկան երեխաների մահվան, մանկաբարձական ծանր («կրիտիկական») դեպքերի վերաբերյալ ստացված տեղեկատվությունը ամփոփել և օրեկան կտրվածքով ներկայացնել առողջապահության նախարարին ու նախարարի տեղակալ Սերգեյ Խաչատրյանին:

4. Սույն հրամանի կատարման հսկողությունը հանձնարարել նախարարի տեղակալ Սերգեյ Խաչատրյանին:

ԱՐՄԵՆ ԹՈՐՈՍՅԱՆ

## Կարգ

մայրական և մինչև 5 տարեկան երեխաների մահվան, մանկաբարձական ծանր («կրիտիկական») դեպքերի վերաբերյալ տեղեկատվության հաղորդման

1. Ծննդօգնության ծառայություններ մատուցող և երեխաների բժշկական օգնություն և սպասարկում իրականացնող հիվանդանոցային և ամբուլատոր պոլիկլինիկական բժշկական կազմակերպությունները մայրական և մինչև 5 տարեկան երեխաների մահվան յուրաքանչյուր դեպքի, ինչպես նաև մանկաբարձական ծանր («կրիտիկական») դեպքերի վերաբերյալ շտապ տեղեկատվություն են հաղորդում առողջապահության նախարարության աշխատակազմի մոր և մանկան առողջության պահպանման վարչություն՝ [mch@moh.am](mailto:mch@moh.am) հասցեով (կոնտակտ անձ՝ վարչության առաջատար մասնագետ Մերի Կատվայան, հեռախոսի համար՝ 060808003-1313);

2. Տեղեկատվությունը հաղորդվում է դեպքն արձանագրելուն հաջորդող 2 ժամերի ընթացքում, իսկ ոչ աշխատանքային ժամերի և/կամ օրերի ընթացքում, հաջորդող աշխատանքային օրը՝ մինչև առավոտյան ժամը 11:00;

3. Տեղեկատվությունը օրեկան կտրվածքով ամփոփվում և ներկայացվում է նախարարին և մոր ու մանկան ոլորտը համակարգող փոխնախարարին;

4. Մոր և մանկան վարչության համապատասխան ստրաթեգիաները՝ մայրական և վերարտադրողական առողջության պահպանման և երեխաների առողջության պահպանման բաժինների ղեկավարները, յուրաքանչյուրն իր մասով պարբերաբար իրականացնում է դեպքերի ամփոփ վերլուծություն և ներկայացնում առաջարկություններ առանձին դեպքերի վարման գործընթացի մասնագիտական գնահատման նպատակով ծառայողական ուսումնասիրություն իրականացնելու անհրաժեշտության վերաբերյալ:

Ձևանմուշ N1

-----  
բժշկական կազմակերպության անվանումը)

-----  
հաղորդման ամիսը, ամսաթիվը, տարեթիվը, ժամը

**ՏԵՂԵԿԱՏՎՈՒԹՅՈՒՆ**  
**ՄԱՅՐԱԿԱՆ ՄԱՀՎԱՆ ԴԵՊՔԻ ՄԱՍԻՆ**  
(կնոջ մահը հղիության, ծննդաբերության և հետծննդյան 42 օրվա ընթացքում)

N	Մահացած հղիի/ծննդաբերի/ծննդկանի անունը, ազգանունը, հայրանունը	Մահացած կնոջ ծննդյան տարեթիվը, ամիսը, օրը	Ընդունվել է (տարեթիվը, ամիսը, օրը, ժամը)	Մահացել է (տարեթիվը, ամիսը, օրը, ժամը)	Ախտորոշումը	Քննչական վարույթի հարուցում	Հարազատների դիմում-բողոք
						Այո/ոչ	Այո/ոչ

*Տեղեկատվությունը հաղորդողի ԱԱՀ, պաշտոնը՝*

Հավելված 3  
Առողջապահության նախարարի  
2018 թվականի -ի N -Ա հրամանի

**Ձևանմուշ N2**

-----  
(բժշկական կազմակերպության անվանումը)

-----  
հաղորդման ամիս, ամսաթիվ, տարեթիվ

**ՏԵՂԵԿԱՏՎՈՒԹՅՈՒՆ**

**ՄԱՆԿԱԲԱՐՁԱԿԱՆ ԾԱՆՐ ԱԽՏԱԲԱՆՈՒԹՅԱՆ /ԿՐԻՏԻԿԱԿԱՆ ԴԵՊՔԻ ՄԱՍԻՆ**

N	Հղիի/ծննդաբերի/ ծննդկանի անունը, ազգանունը, հայրանունը	Կնոջ ծննդյան տարեթիվը, ամիսը, օրը,	Ընդունվել է (տարեթիվը, ամիսը, օրը, ժամը)	Ընդունվել է ծանր կամ դեպքը դարձել է կրիտիկական (տարեթիվը, ամիսը, օրը, ժամը)	Ախտորոշումը

**Տեղեկատվությունը հաղորդողի ԱԱՀ, պաշտոնը՝**

Հավելված 4  
 Առողջապահության նախարարի  
 2018 թվականի -ի N -Ա հրամանի  
 Ձևանմուշ N3

-----  
 բժշկական կազմակերպության անվանումը)

-----  
 հաղորդման ամիսը, ամսաթիվը, տարեթիվը, ժամը

**ՏԵՂԵԿԱՏՎՈՒԹՅՈՒՆ**  
**0-5 ՏԱՐԵԿԱՆ ԵՐԵԽԱՅԻ ՄԱՀՎԱՆ ԴԵՊՔԻ ՄԱՍԻՆ**

N	Մահացած երեխայի անունը, ազգանունը, հայրանունը	Երեխայի ծնվել է (տարեթիվը, ամիսը, օրը)	Երեխայի մահացել է (տարեթիվը, ամիսը, օրը, ժամը)	Մահացել է		Ախտորոշումը	Քննչական վարույթի հարուցում	Հարազատների դիմում-բողոք
				Տանը	Հիվանդանոցում (նշել ընդունման տարեթիվը, ամիսը, օրը, ժամը )		Այո/ոչ	Այո/ոչ

*Տեղեկատվությունը հաղորդողի ԱԱՀ, պաշտոնը՝*